

tangria maku

1 'esi na tarisinata kacaua kəkunang marisinatə. tangria maku
2 kavangvang sua nguani. nakai 'una tacini makai kinavai manung tangria.
3 Pakisia sua nguain, niaranai namanamarə mucimurə. arakukunu kimia
4 marisinatə, arakukunu kim kiatuturu kari Kanakanavu, sumasima'ə,
5 paracani. 'itumuru matua ka'anmana mia, tuisua cu kim m anung tangria.
6 manmaan kavangvang kim sumasupuru sinatə. 'una kari makasi,
7 “musuraceni mucaca, sumasupuru me'i sinatə”. kari isi, 'esi mapupurai
8 kitana, avara'e nanu tani kiatuturu, tia pa sumasupuru 'itumuru sinatə,
9 pamavakan siacə'ura mita, pacakuarə macurang mita. makai kiatuturu kari,
10 manmaan ku kiatuturu karananana kari. tangria maku isi, tavarə'ə kari
11 Pakisia. 'apanapa nguain tumatuturu 'ikua. tavarə'ə ku kari
12 Kanakanavu, 'apanapa ku tumatuturu 'inia.
13 tangria maku isi, iavatu na tanasun mia, ka'anə pa macasə
14 taniara. 'itumuru pa to'unaa koo nguain mukusa 'inia. paira makasi 'ikua,
15 arivicio kani mucacaca misee. 'una ucani tarasangara, ariviciən maku
16 mukusa 'uma mia. ka'anə araceni ka'anə aracan curu, 'urukukə kim mucaca.
17 maica na nungnung ti'ingai, tarasangai kim 'inia. tusukə canumu mesua.

18 tupuru kim na cikiringa. tani cumacə'ura vutukuru, 'arasakai, 'apasə, sikara
19 na canumu makananguru. makasi tangria maku, koo pa kani cinimə'ura
20 makasia maningcau nungnung! tuturuən maku, cau tanasun mia 'esi
21 kipatusə iakurə nungnung isi.
22 makacəkuna 'uma, 'apacə'urəən maku nipacəvərəa karavung, takuisi,
23 tutui, tarukuka. mara nguain cənə 'apakənə marəkurapə. makasi, cucuruana
24 kacangarən! tuturuən maku makananu mumukə tammi, rumarapə vina'ə.
25 macani pa nguain patanamə makasia putukioa. ca'anika vucəke cu taniarə,
26 makacəkuna cu kangvang cuma mataa cina maku. niarivici 'angirisi, 'aramə
27 tarukuka mataa vutukuru. mon cu kim taru'an cumacapa. takutavarə'ə
28 kinvavara maku, 'esi kim cumacapa 'aramə, marivivini kavangvang iavatu.
29 makasi tangria maku, cucuru kani macangcangarə soni. pakasiən
30 maku, 'akuni maraini! macangcangarə cani pininga maku arakukunu kusua.
31

(文章大意 僅供參考) ※字數限 200 字

我的朋友

1	在學校我有許多同學，有一位像手足一樣的好朋友，我們一起學習	15
2	語言、玩耍、唱歌、看書，「行萬里路，讀萬卷書」，是在勉勵我們處	16
3	處值得學習，還要閱讀許多書籍增進視野、豐富知識。有個假日，我帶	17
4	他去田園，途中經過小溪流，魚、蝦、螃蟹在水中游著，那是族人保護	18
5	的溪流。到了田園，我讓他拿著草來餵食牛、羊、豬、雞，還教他種植	19
6	地瓜，播種小米。中午餓了，爸媽帶了豬肉、雞肉和魚來，我們在工寮	20
7	烤肉，今天是朋友最高興的一天。	21
8		22
9		23
10		
11		
12		
13		
14		